

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- केन्द्र सरकार नै जम्मू कश्मीर लेई 10 ज्हार 637 करोड़ दी लागत आलिएं 19 सड़क ते सुरंग परियोजनाएं गी मंजूरी दित्ती। उपराज्यपाल होरें इनें परियोजनाएं गी सामरिक, रणनीतिक ते आर्थिक लिहाज कन्नै महत्वपूर्ण दस्सदे होई केन्द्र दा आभार प्रगट कीता।
- उपराज्यपाल मनोज सिन्हा होरें आखेआ जे नोजवानें लेई रोजगार सृजन, उद्यमता राएं स्वरोजगार ते कम्म रोजगार दे मौके च बाद्धा करना साढ़ी पैहली तरजीह ऐ।
- उपमुख्यमंत्री होरें मिशन युवा तैहत हासल उपलब्धिएं दा जायजा लैता, नोजवानें गी दित्ते जा'रदे प्रोत्साहन ते समर्थन च बाद्धा करने पर जोर दित्ता।
- जलशक्ति मंत्री जावदे अहमद राणा होरें आखेआ जे लोकें दिए दिक्कतें गी जानना ते उंदा तौले नबेड़ा करना सरकार दी प्राथमिकता ऐ।
- लीड्स च एंडीरसन-तेंदुलकर ट्रॉफी दे पैहले टैस्ट मैच च भारत नै इंग्लैंड दे सामने 371 रंजें दा लक्ष्य रखे दा ऐ।

<><><><><><>

LG-Infra

केन्द्र सरकार आस्सेआ जम्मू कश्मीर केन्द्र शासम प्रदेश लेई 10 ज्हार 637 करोड़ रुपें दी लागत आली 19 शिड़क ते सुरंगें परियोजनाएं दी मंजूरी थोने पर उपराज्यपाल मनोज सिन्हा होरें आखेआ ऐ जे 296 किलोमीटर लम्बाई आलियां परियोजना सामारिक लिहाज कन्नै बी बड़ियां महत्वपूर्ण न की जे इंदे राएं दूर दरेड़े ते भलेया बन्ने कन्नै नगदे इलाकें च तैनात सुरक्षा बलें, सैनिकें ते फौजी ठकाने तगर जरूरी समेयान पजाने च बी मददगार साबत होंगन। उनें आखेआ जे इनें महत्वपूर्ण शिड़क ते सुरंग परियोजनाएं दी मदद कन्नै केन्द्र शासत प्रदेश दे दूर दरेड़े इलाकें च सैलानी थाहरें तगर बी लोकें दी सखल्ली पुज्ज जकीनी बनोग। उपराज्यपाल होरें इनें परियोजनाएं गी मंजूरी देने लेई प्रधानमंत्री नरेन्द्र मोदी ते केन्द्री शिड़क ट्रांसपोर्ट ते जरनैली शिड़क सरबन्धी मंत्री नितिन गडकरी हुंदा आभार प्रगट कीता।

इनें परियोजनाएं च एनएच-701ए पर पीर की गली सुरंग परियोजना, एनएच-701ए पर जजनार शोपिया शिड़क परियोजना, लाल चौक थमां पारिमपोरा तगर कन्नो कन्नी चार गड्डिडएं दे लघने दी छमता आला फलाई ओवर, एनएच-701 पर त्रेहगाम चमकोट आले हिस्से पर शिड़क दा निर्माण, नरबल गुलमर्ग फलाई ओवर, काजीगुंड बाई पास ते शौपिया च राम्बियारा पुल दा निर्माण शामिल ऐ।

<><><><><><>

LG- Job Fair

उपराज्यपाल मनोज सिन्हा होरें आखेआ ऐ जे रोजगार बधाना उद्यमिता दे राएं स्वरोजगार दे अलावा पैदा करना ते शिक्षा राएं राजेगार दे होर मौके पैदा करना साढ़ी प्राथमिकता रेई ऐ। उनें इब्बी आखेआ जे 2021 थमां जम्मू कश्मीर च उद्योग गी बाकर्षित करने दे जतन होर मते बधी गे न, जेहदे कन्नै मते सारे युवाएं गी रोजगार मिलेआ ऐ। कलस्टर यूनिवर्सिटर ऑफ जम्मू यानि सीएलयूजे नै देश भगत यूनिवर्सिटी पंजाब कन्नै मिलियै पद्म श्री पदमा सचदेव सरकारी महिला पीजी कालेज, गांधी नगर जम्मू च महा रोजगार मेला 2025 दा आयोजन कीता जित्थें उपराज्यपाल होरें एह गल्ल आक्खी। उनें दौनें यूनिवर्सिटिएं दी इस रोजगार मेले च मन्नी परमन्नी दिएं बक्ख-बक्ख कंपनिएं गी आहन्ने आस्तै सराहना कीती जेहदे राएं जम्मू कश्मीर दे युवाएं गी रोजगार दे मौके थोड़ सकदे न। इस बारे गल्ल करदे होई उपराज्यपाल होरें आखेआ.....

<><><><><><>

Dy CM-Mission Yuva

जम्मू कश्मीर सरकार दा 1 युवा उद्यमता सरबंधी मती महत्वै आली पैहल, मिशन युवा, बारें इक जायजा बैठक कल श्रीनगर आले सिविल सचिवालय च लग्गी जेहदी अध्यक्षता उपमुख्यमंत्री सुरिन्दर चौधरी होरें कीती। इस मौके मिशन डरेक्टर होरें इस कार्यक्रम तैहत कीते जा'रदे कम्म कारवाइएं ते उपलब्धिएं बारे जानकारी सांझी कीती। उनें आखेआ जे मिशन युवा गी जिने चार प्रमुख थम्में दी बुनियाद पर तैआर कीता गेदा ऐ, उंदे च संस्कृति, निवेश, छमता निर्माण ते संपर्क शामिल न। उनें आखेआ जे इस पैहल दा मकसद 1 लक्ख 3 जहार कोला मते उद्यम कायम करना ते 4 लक्ख 25 जहार कोला मते कम्म रोजगार दे मौके उपलब्ध करापस ऐ। उपमुख्यमंत्री होरें दर्ज उपलब्धिएं दी सराहना करदे होई सुझाह दित्ता जे मिशन युवा तैहत उपलब्ध कराए जाने प्रोत्साहने ते माली समर्थन च बाद्धा कीता जा तां जे नोजवान उद्यमता गी अपनाने लेई प्रेरत, प्रोत्साहित ते आकर्षित कीता जाई सकै।

<><><><><><>

PM-MKB

प्रधानमंत्री नरेंद्र मोदी होर इस म्हीने दी 29 तरीक गी आकाशवाणी पर प्रसारित होने आहले अपने माहवार रेडियो कार्यक्रम "मन की बात" राएं देश-विदेश दे लोकें कन्नै अपने विचार सांझे करडन। एह इस कार्यक्रम दी 123मीं किश्त होग। लोक इस कार्यक्रम लेई अपने विचार ते सुझा टोल फ्री नंबर 1800-11-7800 पर सांझे करी सकदे न।

<><><><><><>

Prog Announcement

आकाशवाणी दा क्षेत्रीय समाचार एकांश जम्मू ईरान च फंसे दे भारती नागरिकें गी मुख्य वापस आहने लेई सरकार आसेआ चलाए गेदे आपरेशन सिंधु बारै अज्ज 24 जून गी इक विशेष कार्यक्रम प्रसारित करोग। दिनें सांझे 12 बजे प्रसारित होने आहले इस कार्यक्रम च स्टाडे परौहने होडन जम्मू-कश्मीर दे वरिष्ठ पत्रकार दिनेश मन्होत्रा जेडे आपरेशन सिंधु ते मजूदा हालात बारै अपने विचार सांझे करडन। इन्दे कन्नै गल्लबात करडन। स्टाडे न्यूज एंकर विजय बजाज ते अभिलाषा शर्मा। एह कार्यक्रम तुस स्टाडे इस्सै चैनल पर मीडियम वेव 303 मीटर यानि 990 किलोहर्टज ते एफ.एम 100 इशारिया 3 मैगाहर्टज पर सुनी सकदे ओ। चेता रक्खेओ अज्ज दिनें सांझे 12 बजे।

<><><><><><>

Rana Delegation

जलशक्ति मंत्री जावेद अहमद राणा होरें आखेआ ऐ जे आम जनता दिएं दिक्कतें परेशानिएं गी जानना, समझना ते उंदा तौले ते पैहले दी बिनाह पर नबेड़ा करना सरकार दी पैहली प्राथमिकमा ऐ। पुंछ जिले दे मेंढर च राणा होरें मकामी लोकें दे केई शिष्टमंडलें कन्नै गल्लबात कीती ते उंदिएं समस्याएं ते मंगें गी सुनेआ। ज्यादातर लोकें अपने अपने इलाकें बुनियादी सुविधाएं दे विकास, सेहत ढांचे च सुधार, शिड़क राबता ते जनजातीय कल्याण सरबंधी मुद्दें, मंत्री हुंदे सामने रखे जिनेंगी धरोइयै सुनने परैंत जकीन दोआया जे उंदिएं सब्बने जायजा मंगें गी जिन्ना तौले मुमकिन होग पूरा करी दित्ता जाग। किश मामले च उनें मौके पर गै मुत्तलका मैहकमे गी इंदा हल्ल कड्डने दा निर्देश बी दित्ता।

<><><><><><>

NCC-Commendation

एनसीसी दे इक ऐतिहासक पल च जम्मू कश्मीर बटालियन 4 दे कैडेट मोहित कनाथिया जेहड़े सरकारी डिग्री कालेज कठुआ दे विद्यार्थी न, उनेंगी डरैक्टर जनरल एनसीसी प्रशस्ति पत्रे कन्नै सम्मानत कीता गेआ। एह सम्मान उनेंगी माउंट एवरेस्ट अभियान च उंदे साहस कन्नै योगदान देने करी दित्ता गेआ। एह प्रशस्ति पत्र उनेंगी एनसीसी दे मेजर जनरल अनुपिंदर बेवली वीएसएम अडिशनल डरैक्टर जनरल होरें जम्मू कश्मीर ऐ। लद्दाख दे एनसीसी डारेक्टरेट च भेंट कीता। इस समारोह च बक्ख-बक्ख एनसीसी कैडेट दुनिया सब्बने शा उच्ची चोटी माउंट एवरेस्ट दे उप्पर चढ़ियै अपना साहस दस्सेआ ऐ, उंदे उत्साह ते तत्वे गी उत्साह कन्नै मनाया गेआ।

<><><><><><>

Kathua AntiFlood

कठुआ दे डिप्टी कमीशनर डॉ. राकेश मिन्हास होरें कल बरसात दे मौसम गी ध्यान च रखदे होई हाड़-बिरोधी हीले दा जायजा लैने आस्तै उच्चे स्तर दी बैठक रखी। इस बैठक च हाड़ जनेह हालातें गी घटाने दे प्रभावी हीलें ते रणनीतिएं बारे गल्ल कीती गई। एहदे च डीसी दफ्तर परिसर च 24 घंटे कम्म करने आले कंट्रोल रूम दी स्थाना करने दा फैसला लैता गेआ, जेहदा परिचलन पैहली जुलाई 2025 थतां होग। डीसी होरें इस सरबंधे च बक्ख-बक्ख मैहकमे जियां पुलस, सेहत, सिंचाई ते हाड़ नियंत्रण मैहकमा माल दे तालमेल उप्पर जोर पाया।

<><><><><><>

Chamliyal Mela

रामगढ़ थमां विधायक डॉ. देविंदर कुमार मनया लते सांबा दे डिप्टी कमीशनर राजेश शर्मा होरें कल सलाना मेले आले बाबा चमलियाल मेला जेहड़ा 26 जून गी पूजनीय बाबा चमलियाल श्राइन च लग्गना ऐ उत्थूं दी तैआरिएं दा जायजा लैता। इनें तैआरिएं च सुरक्षा, ट्रैफिक प्रबंधन, एमरजेंसी सेवा, स्वास्थ्य सेवा ते बिजली दी सुविधा शामिल हियां। इस बैठक च इक कंट्रोल रूम दी स्थापना करने च फैसला लैता गेआ, तां जे श्रद्धालुएं गी पुजने च कोई कमी पेशी नेई होए। डिप्टी कमीशनर होरें सरबंधी मैहकमे गी शिड़कै च बने दे गड़डे भरने आस्तै बी आखेआ तां जे श्रद्धालुएं गी कोई परेशानी दा सामना नेई करना पवै।

<><><><><><>

Cricket

लीड्स च खेड्डी जा'रदी एंडरसन—तेंदुलकर ट्रॉफी दे पैहले मैच च भारत आस्सेआ तैह 371 रंजें दा पिच्छी करदे होई मेजबान इंग्लैंड ने चौथे दिन दा खेड्डे खत्म होने तगर बिजन कुसै नुक्सान दे 21 रंज बनाई लैते हे। इंग्लैंड गी एह् टैस्ट जित्तने आस्तै 350 रंज दी लोड़ ऐ। एह्दे थमां पैहले भारत दी दूई पारी 364 रंज पर सिमटी गई ही।

<><><><><><>